

邦正快起來聲甚急如此者再公疑而起出戶視之其山忽崩公大驚異以爲山神所報也公持節按吳憲綱大振奸吏畏服民心帖然實成化辛丑歲公後終任都御史國家大臣自有鬼神護佑之也

雍孝聞蜀士之秀也元符末有聲太學學者推重之崇寧初省試奏名第一前此屢上封事剴切九重固已默識其名至是殿策中力詆二蔡及時政未便者徽宗大怒減死竄海外宣和末上思其忠親批云雍孝聞昨上書致懼刑辟忠誠可嘉特開落過犯授脩

武郎閣門官贊舍人命頒而孝聞死矣於是錄其子子純爲右選紹興初從張魏公入蜀魏公令屬趙喆軍中喆誅子純坐編管旣死魏公憐之後致其子安行一官紹興間以告訐流嶺外不知所終三世俱以罪廢與前所紀諸家不侔然亦不幸也

揮塵錄

張咸漢州人應制舉初出蜀過夔州郡將知名士也一見遇之甚厚因問曰四科優劣之差見於何書無以對守曰載于孟子注中因檢示之且曰不可不牢攬之也張道中漫思素著論成篇至都閣試第一以此